

# **Kommune Kujallermi taxanik angallassinermut kommunimi Malittarisassat**

## **Siunertaq**

Siunertarineqarpoq taxanik ingerlatsinermi inuussutissarsionerup erseqinerusunik maligassaqaarnissaq. Tamannalu aamma atuuppoq atuisartut pitsaasumik isumannaatsumillu kiffartuuneqaarnissaanut kiisalu aquttunut toqqissisimanartumik atugaqaarnissaq. Taxarneq atuisunut paasinartuussaaq, ilutigitillugu avataanit tikittunut pissutsinik ilisimanningitsunut paasinartuunissaa eqqumaffigineqassaaq. Malittarisassaq Kommune Kujallemi Kommunalbestyrelsip akuersissutigissavaa. Malittarisassaq akigititallu atuutsilersinneqaarneriniit ukiut tallimat iluanni nalilersorneqartassapput.

## **Taxaateqaarnissamut akuersissut**

§ 1. Taxaateqaarnissamut akuerineqarneq kommunalbestyrelsimi nalunaarutigineqassaaq.  
Imm. 2. Akuersissut ataaseq taxamut ataasiinarmut atuuppoq.  
Imm. 3. Akuersissut taamaallaat inummut tunniunneqaarsinnaavoq.  
Imm. 4. Taxaateqaarnermut akuersissut tunniunneqaarsinnaangilaq, pissarsisussaq pisortanut 100.000 kr. angullugit taarsigassaqaarsimappat.  
Imm. 5. Akuersissummik pigisaqartoq cvr. Nr., pinerlussimanginnermik, meeqqanillu pinerliisimanginnermik uppernarsaatinik takutitsissaaq.

§ 2. Akuesissut inummut allamut tunniunneqaarsinnaangilaq, kommunalbestyrelsi kisimi akuersisusummik tunniusisinnaavoq.

§ 3. Akuersissummik tunniussineq taamaallaat Kommune Kujallermi inuttaasut allattorsimaffianni allassimasumut tunniunneqaarsinnaavoq. Nutsernermi akuersissut atorunnaarsinneqassaaq. Ilinniarneq peqqissarnerluunniit peqqutigalugit nuukkallarsimagaanni, kommunalbestyrelsimut immikkut akuersisummik qinnuteqartoqaarsinnaavoq, ukiut marluk angullugit atuutsinneqartussamik.

§ 4. Akuersissummik pigisaqartup ingerlaavartumik angallassissutit ajoqquteqaanginnerisut misissortassavaat, qulakkeerlugulu angallassissutit innersuussutinut malinnaanersut.  
Imm. 2. Akuersissummik piginnittup qulakkiissavaa, akiliutit nunap iluani nunanilu tamalaani nalinginnaasumik atorineqartunik, kiisalu elektroniskimik akiliisoqaarsinnaanissaa.  
Imm. 3. Akuersissummik pigisaqartup nakkutigisassaraa aquttup inuussutissarsiuigalugu inunnik angalassinermut allagartamik akuerisamik pigisaqaarnerisooq, taxanik ingerlasinermut kommunimit allagartaqaarnera ilanngullugu .  
Imm. 4. Akuersissummik pigisaqartoq ukiut tamaasa akileraarnermut aqutsoqarfimmiit taarsigassanut tunngasumik uppernarsaamik aallertussaavoq. Akuersissummik pigisaqartoq akileraarutinut akiligassaqaarsimaguni akileraarnermut aqutsoqarfimmut akilersuinissamut isumaqatigiissumik takutitaqartussaavoq.

## **Akigititanik akuersineq akuersissutillu amerlassusaat**

§ 5. Kommunalbestyrelsip taxarnermut akigitinneqartut akuersissutigisassavaat.

- Imm. 2. Kommunalbestyrelse inoqarfinni tamani akuersissutit amerlassusaanik aalajangiisassaaq.
- Imm. 3. Akuersissutit nungussimappata , qinnuteqartoq utaqqisunut ilanngunneqassaaq.
- Imm. 4. Akuersissut qinnuteqartup akuerinngippagu, qinnuteqartoq allattorsimaffimmiit peerneqassaaq.
- Imm. 5. Utaqqisunut allattorsimaffik najoqqutaralugu utaqqisut akuersissummik tunineqartassapput.
- Imm. 6. Utaqqisuniittup akuersissut pereerpagu, ulluni arfineq pingasunik akuersinissaminut periarfissinneqassaaq qaamatillu pingasut iluani taxanik pissarsiornissaminut, politiinillu akuersissummik pissarsinissaminut periarfissaqarluni uppersarsassavaa.
- Imm. 7. Unittoornermi ajutoornermiluuniit qaamatini arfinilinni akuersissut suli pigineqarsinnaavoq, kingornalu utertinneqartusssaalluni, utaqqisumullu tullinnguuttumut tunniunneqarluni. Unittoornermi ajutoornermiluunniit kommunimut nalunaarutiginnittoqassooq, atuutsitsigallarnerup sivissusissaanik naatsorsuinissaq siunertaralugu.

### **Angallassissutit**

- § 6. Angallassissutit tamarmik immikkut licensnormumik peqartussaapput, taxatut akuerineqarnissaanut uppersarsaataasussamik.
- Imm. 2. Licensnummer angallassissutip nalunaarsorneqarnerata normuanut atasussanngorlugu suliarineqassaaq. Rediomut akuersissut, radiofrekvens (Mhz) ilanngullugu, assileqqinneralu qaamatip ataatsip iluani kommunimut tunniunneqarluni.
- Imm. 3. Kommunalbestyrelsip licensnormut tunniutissavai, nalunaarsorsimanermit normu aammalu akuersissummum normu ilannguullugit.
- Imm. 4. Allagartaq biilit saavata tunuatalu igalaavisa iluanut nomua silammum sammisillugu inissinneqassaaq. Allagartaq silataanit takullugu erseqqissuussaaq.
- Imm. 5. Angallassisut ersittunik pujortartarneq pillugu aalajangersakkanik ikkussuiffiqineqassaaq.
- Imm. 6. Akuersissutip atorunnaarsinneqarnerani, unittoornermi ajutoornermiluunniit allagartaq kommunimut tunniunneqassaaq.

### **Angallassissutini ingerlatsisut**

- § 7. Kommunalbestyrelse aquttutut alagartamik tunniussisussaavoq, taanna taxanik ingerlatsisinnaanermut uppersarsaatit atorneqartussaavoq. Allagartaq ukiumoortumik nutarterneqartassaaq.
- Imm. 2. Taxanik ingerlatsisinnaaneq anguneqarsinnaavoq aquttutut allagartartaanikkut. Aquttutut allagartaq biilernermit akuersissutip atuffiata iluani taamaallaat atuussinnaavoq.
- Imm. 3. Ingerlatsisup taxanik ingerlaarnermini aquttutut allagartani ilaasunut ersittumut inissittassavaa.
- Imm. 4. Aquttutut allagartartaarnermi pinerluttuliorsimannginnermut aammalu meeqqanik pinerliisimannginnermut uppersarsaamik, kiisalu inuussutissarsiutigalugu inunnik angallassisinnaanermut uppersaamik takutitsissaaq.

- § 8. Ingerlatsinermit aquttoq torersuunermit takutitsissaaq inussiarnisaartuullunilu. Ingerlatsisup ilaaniartut kalaallisut qallunaatut tuluttullu ilaaniartut tigusinnaassavai.
- Imm. 2. Ingerlatsisup ingerlatsinermini angallassissutit pissusissamisuumungitsumik ingerlalerpata, ingerlatsisooq angallassissutit unitsinneqarnissaanut pissusaatitaavoq.
- Imm. 3. Ingerlatsisup ilanngullugu pissusaaffigaa angallassissutit silataata iluatalu eqqiluutsuunissaat. Eqqiluutsuutsineq tipeqannginnissaalu nassatanut ilitsivinnut ilanngullu atuuppoq.

Imm. 4. Angallassissutit ilaassarsiornerup nalaani uninngatilluni ingerlaatilluniluunniit ingerlatsisoq kisimi issimasussaavoq.  
Imm. 5. Ingerlatsisoq ilaasinnaasunik pissarsiorluni alaterinanilu suaartartussaangilaq.  
Imm. 6. Ingerlatsisoq aalakoortunik anngallassissutinulluunniit mingutsitsisinnaasunik ilaaniartunik itigartisisinnaavoq.  
Imm. 7. Ingerlatsisup pisussaaffigaa nassatanut usisarfimmiittut isumannaatsumik qulakkeerneqarnissaat.  
Imm. 8. Ingerlatsisup nakkutigisassaraa, angallassissummi ilaasinnaasut sippornagit ilaasoqarnissaa.  
Imm. 9. Ingerlatsisup aqqusinikkut angallannermi inatsisit malittarisassanilu innesuussutit malittussaavai.  
Imm. 10. Ingerlatsisoq qinnuigineqarnini naapertorlugu akiliisimanermit uppersaamik tunniussissaaq.

§ 9. Ingerlatsisup angallassissutini qimatanik nalaataqaruni ingerlaannartumik Politiinut tunniunneqarnissaat isumagissavaa.

Imm. 2. Ingerlaasinerup nalaani ingerlassap ingerlatsisullu akornanni aaqqiagiinngittoqalerpat, ingerlassap inuuneranumut peqqissusaanullu ajoqqutaasinnaangippat, ingerlatsisup ingerlassineq kipitissavaa.

Imm. 3. Ingerlatsisoq ingerlaarnermini ajoqqusersimappat, imaluunniit pigisani aserorpata, qanoq ajoqquserneq pisimanersoq qanorlu annertutiginersoq ingerlatsisoq pillugit piginnittumut nassuiaateqassaaq. Angallassissutinik piginnittup akisussaaffigaa sulitilluni ajoqqusersimanermini immersuiffik Sulisilluni Ajoqusernerit pillugit Sullissivikkut kiisalu sillimasisarfirmut immesuinissaaq nalunarnissarlu.

#### **Misissuineq**

§ 10. Kommunalbestyrelsi ingerlatsisunik, angallassissutinik taxameterinillu misissuisinnaavoq.  
Imm. 2. Ingerlatsisoq pisussaataavoq kommunalbestyrelsip taxameter ingerlaartilugu misissornerani akiliinertaqanngitsumik ingerlatsissalluni.

#### **Inniminniinermit centralimik pilersitsineq ingerlatsinerlu**

§ 11. Inniminniinermit centrali kommunalbestyrelsimit akuerineqassaaq.

Imm. 2. Ataatsimoorluni taxacentralimik pilersitsisoqassaaq Qaqortumi amerlanerpaamik marluk, Nanortalimmi Narsamilu tamarmik immikkut ataatsimik. Taxacentralit telefonikkut appikkullu ilaaniartunit ataveqarfigisinnaasariaqarput ingerlatsissutinullu attaveqarsinnaasariaqarlutik.

Imm. 3. Kinaluunniit ingerlassissutinik akuersissutinik pigisaqartoq ataatsimoorullugu inniminniinermit centralimut ilanngunnissaminut pisussaataavoq.

Imm. 4. Angallassissutinik akuersissummik pigisaqartoq, inniminniinermit centralimut peqataassooq, pisussaavoq centralip aqqissuutaanut pigaartutut malitassiamut peqataassalluni, taamaasilluni ulloq kaajallallugu inniminniineq naammassineqarsinnaalluni. Illoqarfinni tamani unnuakkut minnerpaamik ingerlassissut ataaseq piareersimasussaavoq. Pigaartunut malitassiami ilanngunneqassapput ullut annertuumik ingerlatsiffiusut, soorlu aningaasarsineq, sap. ak. naaffii kiisalu nalliuttuni angallaffiulluernerup nalaani. Pigaartutut malitassiaq akuersissummik tunniussisarfirmut assinga nassiunneqassaaq.

Imm. 5. Inniminniinermit centralip Internetsikkut quppernermini ussassaarutinilu atukkamini angallassinermit akigititat nittarsaatussaavai.

Imm. 6. Inniminniinermut centralip Internetsikkut quppernermini ussassaarutinilu atukkamini siumoortumik nalunaarutigisussaavaa akit nutaat atuutilernissaat, atuulerfissaat qaammatit marluk sioqqullugit.


#### **Kinguneqartitsineq**

§ 12. Maleruagassat unioqquatinneqarsimappata kommunalbestyrelsi allakkatigut mianersoqqussummik tunniussisussaavoq. Qaammatit pingasut iluani unioqquitsinermik pisoqaqqissimappat Kommunalbetyrelsip akuersissut qaammammi ataatsimi atorunnaarsikkallarsinnaavaa. Aalajangiinerup kingorna ilimatsaaneqarpat qaammatit pingasut ignerlanneranni kiffartuussat illersorneqarsinnanngitsumik sulii atugaqartinneqartut, taava kommunalbestyrelsip akuersissut utertissinnaavaa.

#### **Atuutsilersinneqarnera**

§ 13. Malittarisassaq atuutilersinneqarpoq 1. novembari 2023. Ilanngullugu atorunnaarsinneqarput Kommune Kujallip iluani kommuniusimasut malittarisassaliarisimasat.

Taamaalillugu Kommune Kujallermi Kommunabestyrelsi sinnerlugu Aningaasaqarnermut Inuusutissarsionermullu Ataatsimiitsitaliamit akuersissutigineqarpoq 18. oktobari 2023.



Stine Egede



/ Tine Pars